



Ohcejoga gielda

Ohcejohnjálmmi skuvlla

24.11.2020

OHCEJOHNJÁLMMI SKUVLLA ORTNETNJUOLGGADUSAT

Ortnetnjuolggadusat leat dárkkistuvvon Ohcejohnjálmmi skuvllas ja vuodđuduvvet Oahpahusráđđehusa rávvagii 1/012/2016.

Njuolggadusaid ulbmilin lea dáhkedit juohke skuvlaservoša lahttui:

1. vuoigatvuođa bargoráffái
2. vuoigatvuođa persovnnalaš dorvolašvuhtii
3. vuoigatvuođa opmodaga suodjái.

Vuodđooahpahušlága 35 §:a mielde vuodđoskuvlla oahppi galgá bargat bargguidis dovddolaččat ja láhttet áššálaččat. Oahppi galgá čuovvut skuvlla ortnetnjuolggadusaid ja gieđahallat fuolalaččat skuvlla opmodaga.

Áššálaš láhttemii gullet:

1. lágaid, njuolggadusaid ja almmolaččat dohkálaš vieruid doahttaleapmi
2. heivvolaš giellageavaheapmi
3. smáđáhkisvuohta (dearvaheapmi, smáđáhkes hállanvuogit, giitin)

Njuolggadusat leat fámus

1. skuvlaáigge ja skuvlla birrasis ja buot skuvlla doaimmain skuvlla olggobealdi
 2. skuvlaáigin lohkojuvvojit:
 - 1) oahppodiimmut ja diibmogaskkat
 - 2) eahketbeairiekkis
 - 3) skuvlla ordnen dilálašvuođat dego luohkkámáttkit, leairaskuvllat, oahpásmanmáttkit, ovttasdoaimbeaivvit ja eará skuvlla dáhpáhusat, maidda oahppi oassálastá.
-

Čujuhus:

Telefovndna: 040 5258049

Ohcejohgeaidnu 44

99980 OHCEJOHKA

ORTNETNJUOLGGADUSAT

1. Oahppit galget oassálastit oahpahussii, bargat bargguideaset dovddolaččat ja láhttet áššálaččat. Dát njuolggadus guoská oppa skuvllabeaivvi, oahppodiimmuid, boradeami ja diibmogaskkaid. Vuodđooahpahušláhka 25 §, 26 § ja 35 §.
 2. Juohkehaččas lea vuoigatvuohta bargoráffái ja dorvvolaš oahppanbirrasii. Givssideapmi, veahkaválddálaš láhtten ja headušteapmi leat gildojuvvon. Vuodđooahpahušláhka 29 §.
 3. Skuvlii ii oaččo buktit iige doallat hálddus bargobeavivi áigge lágas gildojuvvon, váralaš dahje erenoamážit opmodaga ja olbmuid vahágahttimii heivvolaš biergasiid ja ávdnasiid. Vuodđooahpahušláhka 29 §.
 4. Diibmogaskkaid galgá mannat olggos. Spiehkastahkan oahpaheigottiin sohppojuvvon sisdiibmogaskkat. Buolašrádjá -20° C.
 5. Skuvllas dahje skuvlamátkkis dáhpáhuvvon dáhpedorpmiin ja vahágiin galgá johtilit almmuhit oahpaheaddjái.
 6. Skuvlla birrasii ii oaččo vuolgit eret luohkáoahpaheaddji, luohkkágohppi dahje diimmu doalli oahpaheaddji lobi haga.
 7. Juohke oahppi geatnegasvuohtan lea buhtadit dáhtul dahje dáhtokeahtta skuvlla dahje nuppi olbmo opmodahkii šaddan vahága. Ruđa, árvobiergasiid ja oahpahussii gulakeahtes biergasiid buktin skuvlii lea oahppi iežas ovddasvástádussan. Skuvla ii vástit láhppon opmodagas. Vahátbuhtadusláhka 1 §.
 8. Skuvlla oahpaheaddji dahje rektor sáhtta bajásgeassinsivaid dihte mearridit oahppi buhtistit dahje ordnet ođđasit oahppi dáhtul dahje fuolalašvuođa dihte duolvvidan dahje billistan opmodaga dahje saji eanemustá 2 diibmui. Vuodđooahpahušláhka 35 §.
 9. Mobiilabiergasiid geavaheapmi oahpaha ja boradeami áigge lea gildojuvvon almmá oahpaheaddji sierra lobi. Gaskadiimmuid áigge mobiilabiergasiid áššálaš geavaheapmi lea nuoraidskuvllas lobálaš dalle, go gaskadiimmus ii leat oahpahas. Mánáidskuvllas lea okta mobiilabiergagaskadiibmu beaivvis. Mobiilabiergasiid berre bidjat rehppui, go biellu čuodjá.
 10. Fuolaheaddji galgá almmuhit dalánaga juos oahppi lea vuorddekeahtta eret skuvllas. Vuodđooahpahušláhka 45 §.
 11. Lohpi eretorrumii ohccojuvvo ovddalgihtii iežas oahpaheaddjis dahje rektoris. Luohkáoahpaheaddji/-gohcci addá lobi eanemustá viđa beaivvi eretorrumii. Guhkit eretorrumiidda lobi addá rektor. Ohcamušat dahkkojuvvojit vuosttažettiin Wilmas dahje muđui čálalaččat. Badjel mánu eretorrumii ohccojuvvo lohpi lándegottis. Oahppi galgá gálgat eretorruma áigge barggakeahtta báhcci bargguid oahpaheaddji rávvagiid mielde. Vuodđooahpahušláhka 26 §. Ávnasoahpaheaddji sáhtta addit oahppái lobi eretorrumii dalle, go dat lea su iežas diimmu dahje duppaldiimmu áigge.
 12. Oahppi, guhte ii čuovo skuvlla njuolggadusaid, sáhtta cuigejuvvot vuodđooahpahušlága mielde. Vuogit leat čohkkán skuvlla manjá, bajásgeassinságastallan, várurus ja mearreáigásaš eretcealkin skuvllas. Vuodđooahpahušláhka 35 § ja 36 §.
- Ortnetnjuolggadusain leat dahkon ja dahkkojuvvojit álot dárkilut luohkkánjuolggadusat, main vuhtiiváldojuvvo oahppiid ahkedássi. Njuolggadusaid dárkodettiin almmolaš vuodđooahpahušláhkii vuodđuduvvi njuolggadusat šaddet oahppiide oahpisin.
-